

長樂縣志

地 310.27
38
卷二 = 4

卷之七學校

聖謨 學宮

祭器 樂器

射器 泮額

卷之八祠祀

秩祀 里祀

墳墓

典禮 規則

書籍 射圃

學租 書院

寺觀 塔附



長樂縣志卷之七

學校

書籍

射圃

射器

泮額

學租

書院

社學

聖謨

學宮

典禮

規制

祭器

樂器



學校者教化所由興即人才所從出也長樂建學自唐乾符始逮宋四先生倡道於前朱紫陽明道於後理學名儒相繼輩出蓋海濱也有鄒魯之風焉我

朝崇儒重道遠光前代士沐

作人之化家經誦而戶詩書文治蒸蒸倬昭雲漢謹以

列聖訓迪士子之文與部頒從祀位次禮儀樂章列之於首俾士子開卷即見不必檢會典通禮而後悉也次乃詳志學宮規制及射圃書院社學原委作學校志

長樂縣志

卷之七

學校

聖謨

聖謨

順治九年遵奉頒發

御製卧碑文立石明倫堂以示生員其文曰朝廷建立學校選取生員免其丁糧厚以庖膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非為者子既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身當以思省

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一 爲學當尊敬先王若講說皆須誠心聽受如有未明從容再問毋妄行辯難爲師長者亦當盡心訓教勿致怠惰

一 軍民一切利病不許生員上書陳言如有一言建白以違制論黜

長樂縣志

卷之七

學校

二

聖謨

革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙十八年頒

上諭十六條每月朔望有司偕紳衿齊集明倫堂及軍民人等俱聽宣講

一 敦孝弟以重人倫

一 篤宗族以昭雍睦

一 和鄉黨以息爭訟

一 重農桑以足衣食

一 尚節儉以惜財用

一 隆學校以端士習

一 黜異端以崇正學

一 講法律以儆愚頑

- 一明禮讓以厚風俗
- 一務本業以定民志
- 一訓子弟以禁非爲
- 一息誣告以至善良
- 一誠匿逃以免株連
- 一完錢糧以省催科
- 一聯保甲以弭盜賊
- 一解讐忿以重身命

康熙二十五年

御製

至聖先師孔子贊并序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼

長樂縣志

卷之七

學校

三

聖謨

君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生金聲玉振集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趨日月無踰羹牆可晤孔

子之道惟中與庸此心此理于聖所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

康熙二十八年

復聖顏子贊

聖道早聞天資獨粹約禮博文不遷不貳一善服膺萬德來萃心齋坐忘其樂一致禮樂四代治法兼備用行舍藏王佐之器

長樂縣志

卷之七

學校

四

聖謨

宗聖曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

述聖子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

亞聖孟子贊

哲人旣萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

康熙四十一年

御製訓飭士子文

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書

長樂縣志

卷之七

學校

五

聖謨

何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不容鄉黨弗齒縱倖脫褫扑濫竊章縫返之於衷能無媿乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登

造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿做毀方躍冶暴棄自甘則是爾等冥頑無知終不能率教也旣負栽培復干罪戾王章具在朕不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭勿謂朕言之不預也爾多士尚敬聽之哉

雍正四年九月二十九日奉

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則

長樂縣志

卷之七

學校

六

聖謨

民必聽從其言服習其教相率而歸於謹厚或小民偶有不善之事卽懷愧耻之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書立品之人而蕩檢踰閑不顧名節者亦復不少或出入官署包攬詞訟或武斷鄉曲欺壓平民或抗違錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尚且如此則必薄待讀書之人而且輕視聖賢之書矣士習不端民風何由而正其開關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習矣而內外諸臣條奏中臚列諸生之劣蹟

請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不立無怪乎士習之弊端風俗之未淳也朕孜孜圖治欲四海之大萬民之眾皆向風而慕義革薄而從忠故特簡督學之臣慎重教官之職欲使自上而下端本澄源以收實效也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官者訓誨士子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑丕變庶幾其可望也特諭欽此務宜欽遵

乾隆五年十一月奉

上諭從來爲治之道不外教養兩端然必衣食足而後禮義充故論治者往往先養後教朕御極以來日爲斯民籌衣食之源水旱之備所期薄海烝黎蓋藏充裕俯仰有資以爲施教之地而解慍阜財之效尚未克副朕懷第思維皇降衷有物有則衣食以養其形教化以復其性二者相成而不相妨不容偏廢正如爲學之道知先行後然知行並進非劃然兩時判然兩事又安得謂養之道未裕遂可置教化爲緩圖也今學校徧天下山陬海澨之人無不挾詩書而遊庠序

顧學徒以文藝弋科名官司以課試爲職業於學問根本切實用功所在槩未暇及司牧者盡心於簿書筐篋或進諸生而譚舉藝則以爲作養人材振興文教其於閭閻小民則謂是蚩蚩者不足與興教化平時不加訓迪及陷於罪則執法以繩之無怪乎習俗之不淳而詬誶囂凌之不能禁止也朱子云聖人教人大概只是說孝悌忠信日用常行的話人能就上面做將去則心之放者自收性之昏者自著此言深探立教本源至爲切實蓋心性雖民之秉彝而心爲物誘則放性爲欲累則昏存心養性非知道者不足幾若夫事親從兄則家庭日用人人共由孩提知愛少長知敬又人人同具不待勉強要之堯舜之道不外乎是卽如得一食必先以食父母得一衣必先以

長樂縣志

卷之七

學校

八

聖謨

衣父母此卽是孝能推是心而凡所以順其親者無不至則爲孝子父之齒隨行兄之齒雁行此卽是悌能推是心而凡所以敬其長者無不至則爲悌第一人如此人人從而效焉一家如此一鄉從而效焉則爲善俗孟子曰人倫明於上小民親於下又曰人人親其長其長而天下平是道也惟在上者不爲之提撕警覺則習而不察而一時之明不勝夫積習之漸染重昏錮蔽日入於禽獸而不自知任君師之責者奚忍不急爲之申重而切諭之也我

聖祖仁皇帝頒

聖諭以教士民首崇孝悌

皇考世宗憲皇帝衍爲廣訓往復周詳已無遺蘊但朔望宣講祇屬

具文口耳傳述未能領會不知國家教人事事要人躬行實踐樸實
做去人倫日用正是聖賢學問至切要處堯舜之世比戶可封只道
能盡孝悌放僻邪侈觸蹈法網只為不知孝悌記曰將為善思貽父
母令名必果將為不善思貽父母惡名必不果誠能如此存心豈復
有縱欲妄行之事苟不從此處切實做起雖誦讀詩書高談性命直
謂之不學可耳凡有牧民課士之責者隨時隨事切實訓誨有一事
之近於孝弟則從而獎勸之一事之近於不孝不弟則從而懲戒之
平時則為之開導遇事則為之剖晰如此則親切而易入將見父詔
兄勉日積月累天良勃發率其良知良能以充孝弟之實藹然有恩
秩然有義豫順積於家庭太和翔於宇宙親遜成風必從此始凡吾
長樂縣志

學校

九

聖謨

赤子其敬聽諸凡厥司牧其敬奉諸

學宮

先師宋元舊稱文宣王明嘉靖九年改稱 至聖先師孔子 國朝

因之今殿制覆以黃瓦歲春秋仲月上丁日祀以太牢

正殿

至聖先師孔子

東配

復聖顏子

漢永平十五年祀唐貞觀二年配享宋以前皆稱封爵
元至順元年贈充國復聖公明嘉靖九年改稱復聖顏

子 國朝因之

述聖子思子

宋大觀二年從祀咸淳三年配享宋以前稱封爵元
至順元年贈沂國述聖公明嘉靖九年改稱述聖子

思子 國朝因之

西配

宗聖曾子

唐開元八年從祀宋咸淳三年配享宋以前稱封爵元至順元年贈成國宗聖公明嘉靖九年改稱宗聖曾子

因之 國朝

亞聖孟子

宋元豐七年配享宋以前皆稱封爵元至順元年贈鄒國亞聖公明嘉靖九年改稱亞聖孟子 國朝因之

東哲

按哲位宋以前皆稱封爵嘉靖九年改稱先賢某子 國朝因之有子朱子升列哲位從一例

閔子

名損字子騫魯人唐開元八年從祀

冉子

名雍字仲弓魯人唐開元八年從祀

端木子

名賜字子貢衛人唐開元八年從祀

仲子

名由字子路魯人唐開元八年從祀

長樂縣志

卷之七

學校

十

學宮

卜子

名商字子夏衛人唐貞觀二十一年從祀

有子

名若字子若魯人唐貞觀二十一年從祀 國朝乾隆三年升列哲位

西哲

冉子

名耕字伯牛魯人唐開元八年從祀

宰子

名予字子我魯人唐開元八年從祀

冉子

名求字子有魯人唐開元八年從祀

言子

名偃字子游吳人唐開元八年從祀

顓孫子

名師字子張陳人後為魯人唐開元八年從祀宋咸淳三年升列哲位

朱子

名熹字元晦建陽人宋淳祐元年從祀 國朝康熙五十一年升列哲位

東廡先賢四十位

按從祀先賢宋以前皆稱封爵明嘉靖九年改稱先賢某子 國朝稱先賢不稱子

公孫僑 字子產鄭人 國朝咸豐七年

林放 字子邱魯人明嘉靖九年改祀於鄉 國朝

原憲 字子思宋人或曰魯人 唐開元二十七年從祀

南宮适 字子容魯人唐開元二十七年從祀

商瞿 字子木魯人唐開元二十七年從祀

漆雕開 字子若蔡人唐開元二十七年從祀

司馬耕 字子牛宋人唐開元二十七年從祀

梁鱣 字子魚史記作叔魚齊人 唐開元二十七年從祀

冉孺 字子魯一字子魚魯人 唐開元二十七年從祀

伯虔 字子皙史記作子析今本家語作子楷魯人唐開元二十七年從祀

長樂縣志 卷之七

學校

十一

學宮

冉季 字子產或作子達魯人 唐開元二十七年從祀

漆雕徒父 字子有魯人或作子友或作子文唐開元二十七年從祀

漆雕哆 字子斂魯人唐開元二十七年從祀

公西赤 字子華魯人唐開元二十七年從祀

任不齊 字子選楚人唐開元二十七年從祀

公良孺 字子正陳人唐開元二十七年從祀

公肩定 字子仲史記作子中魯人 唐開元二十七年從祀

鄭單 字子家聊城人唐開元二十七年從祀

罕父黑 字子索一字子素魯人 唐開元二十七年從祀

榮旂 字子祺魯人或作子顏 唐開元二十七年從祀

左人郢 字子行魯人唐開元二十七年從祀

鄭國 字子徒或作子從魯人唐開元二十七年從祀

原亢 字子籍魯人唐開元二十七年從祀

廉潔 字子庸衛人或作子曹齊人唐開元二十七年從祀

叔仲會 字子期魯人唐開元二十七年從祀

公西輿如 字子土魯人唐開元二十七年從祀

邾異 字子斂家語作子飲魯人唐開元二十七年從祀

陳亢 字子禽一字子亢陳人唐開元二十七年從祀

琴張 字子開一字子張衛人唐開元二十七年從祀

步叔乘 字子車齊人唐開元二十七年從祀

長樂縣志

卷之七

學校

十三

學宮

秦非 字子之魯人唐開元二十七年從祀

顏噲 字子聲魯人唐開元二十七年從祀

顏何 字冉魯人明嘉靖九年以家語不載罷國朝雍正二年復祀

縣賈 魯人國朝雍正二年復祀

牧皮 力牧之後國朝雍正二年從祀西廡同治二年移祀東廡

樂正克 樂正子春之孫齊人宋政和五年配享孟子廟國朝雍正二年升祀

萬章 宋人宋政和五年從祀孟子廟國朝雍正二年升祀

周敦頤 初名敦實字茂叔道州營道縣人宋淳祐元年從祀明崇禎十五年進稱先賢

程顥 字伯淳河南人宋淳祐元年從祀明崇禎十五年進稱先賢

邵雍 字堯夫其先范陽人宋咸淳三年從祀明崇禎十五年進稱先賢

西廡先賢三十九位

蘧

瑗

字伯玉衛人唐開元二十七年從祀明嘉靖九年改祀於鄉國朝雍正二年復祀東廡同治二年移祀西廡

澹臺滅明

字子羽武城人唐開元二十七年從祀東廡國朝同治二年改祀西廡

宓不齊

字子賤魯人唐開元二十七年從祀

公冶長

字子長齊人一字子芝唐開元二十七年從祀

公皙哀

字季沈史記作季次齊人唐開元二十七年從祀

高柴

字子羔檀弓作子臯齊人唐開元二十七年從祀

樊須

字子遲魯人或曰齊人唐開元二十七年從祀

商澤

字子秀家語作子季魯人唐開元二十七年從祀

巫馬施

字子期陳人史記作子旗魯人唐開元二十七年從祀

長樂縣志

卷之七

學校

三

學宮

顏辛

字子柳魯人唐開元二十七年從祀

曹卹

字子循蔡人唐開元二十七年從祀

公孫龍

字子石衛人唐開元二十七年從祀

秦商

字子丕魯人一字丕茲唐開元二十七年從祀

顏高

字子驕魯人唐開元二十七年從祀

壤駟赤

字子徒或作子從秦人唐開元二十七年從祀

石作蜀

字子明秦之成紀人唐開元二十七年從祀

公夏首

字子乘一字子元魯人唐開元二十七年從祀

后處

字子里齊人唐開元二十七年從祀

奚容蒧

字子皙魯人正義曰衛人唐開元二十七年從祀

顏祖 字子襄魯人唐開元二十七年從祀

句井疆 字子疆一字子野又字子界衛人唐開元二十七年從祀

秦祖 字子南家語作子西秦人唐開元二十七年從祀

縣成 字子祺一字子橫魯人唐開元二十七年從祀

公祖句茲 字子之魯人唐開元二十七年從祀

燕伋 字子思秦人唐開元二十七年從祀

樂欬 字子聲魯人唐開元二十七年從祀

狄黑 字子皙衛人唐開元二十七年從祀

孔忠 字子蔑孔子兄孟皮之子唐開元二十七年從祀

公西蒧 字子尚史記作子上魯人唐開元二十七年從祀

長樂縣志

卷之七

學校

兩

學宮

顏之僕 字子叔魯人唐開元二十七年從祀

施之常 字子恆魯人家語作子常唐開元二十七年從祀

申棖 字子周唐開元二十七年從祀

左邱明 魯人唐貞觀二十一年從祀

秦冉 字開蔡人唐開元二十七年從祀明嘉靖九年罷國朝雍正二年復祀

公明儀 魯南武城人國朝咸豐三年從祀東廡同治二年移祀西廡

公都子 宋政和五年從祀孟子廟國朝雍正二年升祀

公孫丑 齊人宋政和五年從祀孟子廟國朝雍正二年升祀

張載 字子厚世居大梁後居郿縣宋淳祐元年從祀明崇禎十五年進稱先賢

程頤 字正叔宋淳祐元年從祀明崇禎十五年進稱先賢

東廡先儒三十一位

按從祀先儒明以前皆稱封爵嘉靖九年改稱先儒某子 國朝稱先儒不稱子

公羊高 齊人唐貞觀二十一年從祀

伏勝 字子賤濟南人唐貞觀二十一年從祀

毛亨 魯人世稱大毛公 國朝同治二年從祀

孔安國 字子國西漢魯人孔子十一世孫唐貞觀二十一年從祀西廡 國朝同治二年移祀東廡

后蒼 字近君漢東海郟城人 國朝同治二年從祀

鄭元 字康成東漢北海人唐貞觀二十一年從祀明嘉靖九年改祀於鄉 國朝雍正二年復祀東廡

范甯 字武子晉鄆陵人唐貞觀二十一年從祀明嘉靖九年改祀於鄉 國朝雍正二年復祀東廡

陸贄 字德輿一字敬輿嘉興人 國朝道光六年從祀

范仲淹 字希文其先邠州人後徙蘇州吳縣 國朝康熙五十四年從祀

長樂縣志

卷之七

學校志

五

學宮

歐陽修 字永叔廬陵人明嘉靖九年從祀

司馬光 字君實夏縣人宋咸淳三年從祀

謝良佐 字顯道上蔡人 國朝道光二十九年從祀

羅從彥 字仲素南劍人明萬曆四十二年從祀

李綱 字伯紀邵武人 國朝咸豐元年從祀西廡同治二年移祀東廡

張栻 字敬夫號南軒綿竹人宋景定二年從祀西廡 國朝同治二年移祀東廡

陸九淵 字子靜號象山金谿人明嘉靖九年從祀西廡 國朝同治二年移祀東廡

陳淳 字安卿龍溪人 國朝雍正二年從祀

真德秀 字景元一字希元號西山浦城人明正統二年從祀

何基 字子恭婺州金華人 國朝雍正二年從祀西廡同治二年移祀東廡

文天祥 字宋瑞廬陵人 國朝道光二十三年從祀西廡同治二年移祀東廡

趙復 字仁甫德安人 國朝雍正二年從祀

金履祥 字吉父婺之蘭溪人 國朝雍正二年從祀西廡同治二年移祀東廡

陳澔 字可大都昌人 國朝雍正二年從祀西廡同治二年移祀東廡

方孝孺 字正學甯海人 國朝同治二年從祀

薛瑄 字德温河津人 明隆慶五年從祀西廡 國朝同治二年移祀東廡

胡居仁 字叔心江西餘干人 明萬曆十二年從祀

羅欽順 字允升號整庵泰和人 國朝雍正二年從祀

呂柟 字仲木陝西高陵人 國朝同治二年從祀西廡後移東廡

劉宗周 字起東浙江山陰人 國朝道光二年從祀西廡同治二年移祀東廡

長樂縣志

卷之七

學校

夫

學宮

孫奇逢 字啓泰號鍾元直隸容城人 國朝道光八年從祀西廡同治二年移祀東廡

陸隴其 字稼書平湖人 國朝雍正二年從祀西廡同治二年移祀東廡

西廡先儒三十一位

穀梁赤 名俶字元始或曰名熹字子赤 魯人唐貞觀二十一年從祀

高堂生 字伯漢西漢魯人唐貞觀二十一年從祀

董仲舒 字寬夫廣川人元至順元年從祀東廡 國朝同治二年移祀西廡

毛萇 字默一字長公西漢趙人唐貞觀二十一年從祀

杜子春 字時元東漢河南緱氏人唐貞觀二十一年從祀東廡 國朝同治二年移祀西廡

諸葛亮 字孔明琅琊南陽人 國朝雍正二年從祀東廡同治二年移祀西廡

王通 字仲淹河東龍門人 明嘉靖九年從祀東廡 國朝同治二年移祀西廡

韓愈 字退之河南鄧州人

胡瑗 字翼之秦州如臯縣人明嘉靖九年從祀

韓琦 字季圭相州人國朝咸豐二年從祀東廡同治二年移祀西廡

楊時 字中立號龜山南劍將樂人明宏治八年從祀東廡國朝同治二年移祀西廡

尹焞 字彥明一字德充洛陽人國朝雍正二年從祀

胡安國 字康侯崇安人明正統二年從祀

李侗 字愿中延平人明萬曆四十二年從祀東廡國朝同治二年移祀西廡

呂祖謙 字伯恭先居壽州遷婺州宋景定二年從祀東廡國朝同治二年移祀西廡

袁燮 字和叔鄞縣人國朝同治八年從祀

黃榦 字直卿號勉齋邑人國朝雍正二年從祀

長樂縣志

卷之七

學校志

七

學宮

蔡沈 字仲默元定次子明正統二年從祀東廡國朝同治二年移祀西廡

魏了翁 字華父邛州人本姓高出繼魏國朝雍正二年從祀東廡同治二年移祀西廡

王栢 字會之婺州金華人國朝雍正二年移祀西廡

陸秀夫 字君實鹽城人國朝咸豐九年從祀

許衡 字仲平河內人元皇慶二年從祀

吳澄 字幼清號草廬撫州人明正統八年從祀嘉靖九年罷國朝乾隆二年復祀東廡同治二年移祀西廡

許謙 字益之先京兆人徙居婺州金華人國朝雍正二年從祀東廡同治二年移祀西廡

曹端 字正夫澠江人國朝咸豐十年從祀東廡同治二年移祀西廡

陳獻章 字公甫廣東新會人明萬曆十二年從祀

蔡清 字介夫晉江人國朝雍正二年從祀

王守仁

字伯安浙江餘姚人明萬曆十二年從祀東廡國朝同治二年移祀西廡

呂坤

字叔簡號新吾甯陵人國朝道光六年從祀

黃道周

字幼平號石齋漳浦人國朝道光五年從祀東廡同治二年移祀西廡

湯斌

字孔伯號潛菴睢州人國朝道光三年從祀東廡同治二年移祀西廡

崇聖殿

按明嘉靖九年詔天下建啓聖公祠國朝雍正元年追贈孔子五代爲王改爲崇聖殿

肇聖王

木金父公正位南向

裕聖王

祈父公東一室南向

貽聖王

防叔公西一室南向

昌聖王

伯夏公東二室南向

啓聖王

叔梁公西二室南向

長樂縣志

卷之七

學校

六

學宮

東配

孔氏

名孟皮字伯車孔子之兄國朝咸豐七年配享

顏氏

名無繇字路家語作顏絲字季路復聖顏子之父唐開元二十七年從祀明嘉靖九年改配享

孔氏

名鯉字伯魚述聖子思子之父宋咸淳三年從祀明嘉靖九年配享

西配

曾氏

名點字子皙宗聖曾子之父唐開元二十七年從祀明嘉靖九年配享

孟孫氏

名激字公宜亞聖孟子之父明嘉靖九年配享

東廡

周輔成

字伯大周子敦頤之父明萬曆二十三年從祀

程

珦字伯溫二程之父明嘉靖九年從祀

蔡元定 字季通蔡子沈之父明嘉靖九年從祀

西廡

張迪 字吉甫張子載之父朝雍正二年從祀 國

朱松 字喬年朱子熹之父明嘉靖九年從祀

典禮

祭

文廟

每歲春秋仲月上丁日致祭先期承祭官率陪祭各官齊赴

文廟階下行一跪三叩頭禮教官滌器視牲並瘞毛血至期黎明各

官衣朝衣齊集行禮

長樂縣志 卷之七

儀注

承祭分獻陪祭各官入兩旁門序立贊禮官導承祭官至盥洗所
盥手畢分引兩序分獻官及兩廡分獻官以次至盥洗所各盥手
畢詣拜位前立陪祀官咸詣拜位序立典儀贊樂舞生登歌執事
官各共迺職文舞六佾進贊禮官贊就位引承祭官分獻官就位
立典儀贊迎 神司樂贊舉迎 神樂奏昭平之章樂作贊禮官
贊就上香位引承祭官升東階入殿左門贊詣

先師香案前贊跪承祭官跪行一叩禮興贊上香司香跪奉香承祭

官上炷香三上辦香跪行一叩禮興贊不以次詣

四配位前跪上香儀同贊復位引承祭官退降階復位立初迎

神時贊禮官分引東西序分獻官各一人升東西階入殿左右門詣十二哲位前跪上香退降階復位立引兩廡分獻官東西各二人分詣先賢先儒位前跪上香退復位立均如前儀贊禮官贊跪叩興承祭官分獻官暨陪祀官各行三跪九叩禮興樂止典儀贊奠帛爵行初獻禮奏宣平之章舞羽籥之舞樂作贊禮官引承祭官升東階入左門贊詣

先師位前贊跪承祭官跪行一叩禮興司帛跪奉篚承祭官受篚拱舉奠於案司爵跪奉爵承祭官受爵拱舉奠於案上跪行一叩禮興贊禮官贊就讀祝位引承祭官至殿中拜位立贊跪承祭官及堂下分獻官陪祀官皆跪贊讀祝司祝跪讀祝讀畢興奉祝版

長樂縣志

卷之七

學校

二十

典禮

跪安

先師位前篚內三叩興退承祭官分獻官暨陪祀官均行三叩禮興贊禮官引承祭官以次詣

四配位前跪奠帛獻爵儀同退降階復位贊禮官分引兩序分獻官升東西階入殿左右門詣十二哲位前跪奠帛獻爵興退降階復位均如儀引兩廡分獻官各分詣先賢先儒位前奠帛獻爵復位儀同樂止亞獻奏秩平之章舞同初獻樂作贊禮官引承祭官升階贊詣

先師位前暨

四配位前奠爵如初兩序兩廡隨分獻畢均復位樂止終獻奏敘

平之章舞同亞獻樂作引承祭官升階奠爵如亞獻儀兩序兩廡隨分獻畢均復位樂止文舞退典儀贊飲福受胙贊禮官贊詣受福胙位引承祭官至殿中拜位立奉福胙二人自東案奉福胙至先師位前拱舉退立於承祭官之右接福胙一人自西案進立於左贊禮官贊跪承祭官跪贊飲福酒右一人跪遞福酒承祭官受爵拱舉以授於左接以興次受胙如飲福之儀贊叩興承祭官退降階復位贊跪叩興承祭官分獻官暨陪祀官均行三跪九叩禮興典儀贊徹饌奏懿平之章樂作徹畢樂止贊送 神奏德平之章樂作贊禮官贊跪叩興承祭官分獻官暨陪祀官行三跪九叩禮興樂止典儀贊奉祝帛香饌各詣燎位執事者各奉祝帛香饌恭祭

長樂縣志

卷之七

學校

三

典禮

送燎所如儀承祭官避立拜位西旁俟過復位贊禮官唱望燎所唱舉望燎樂與送神同樂作贊禮官贊詣望燎位導承祭官至燎位立祝帛焚訖樂止復位贊禮畢退

崇聖祠

每歲春秋仲月上丁日祭儀同

正殿惟不用樂

至聖先師孔子神位前祭品

- 帛一白牛一 羊一 豕一 登一 鉶一 簋二 簋二 籩
- 十 豆十 酒罇一 白磁爵三 鑪一 鐙二 香盤一 牲

陳於俎帛實於匪尊實酒幕勺具

四配祭品每位各帛一色白 豕一 羊一 鉶一 簋二 簋二

籩八 豆八 酒尊一 白磁爵三 鑪一 鐙二 香盤一

東西哲十二位祭品每位各爵三 鉶一 簋一 簋一 籩四

豆四 東西各帛一色白 豕一 羊一 鑪一 鐙二 酒尊

一 虛爵三

東西廡祭品每位各爵一 先賢案前羊二 豕二 簋簋各一

籩豆各四 香案一 鑪一 鐙二 先儒案前羊一 豕一

簋簋各一 籩豆各四 香案一 鑪一 鐙二 東西各帛

一色白 尊三 虛爵三

長樂縣志

卷之七

學校

三

典禮

崇聖殿祭品

帛五色白 各羊一 豕一 鉶一 簋二 簋二 籩八 豆八

酒尊一 白磁爵三 鑪一 鐙二

配位祭品每位爵三 東西各帛一色白 豕首一 簋一 簋一

籩四 豆四 豕肉一方 鑪一 鐙二 酒尊一 虛爵三

東西廡祭品每位爵三 東西各帛一色白 簋一 簋一 籩四

豆四 豕肉一方 鑪一 鐙二 酒尊一 虛爵三

先師祭文

唯先師德隆千聖道冠百王揭日月以常行自生民所未有屬文
教昌明之會正禮和樂節之時辟雍鐘鼓咸恪薦以馨香泮水膠

庠益致嚴於籩豆茲當仲春秋祇率彝章肅展微忱聿將祀典以
復聖顏子 宗聖曾子 述聖子思子 亞聖孟子配尚饗
崇聖殿祭文

唯王奕葉鍾祥光開聖緒盛德之後積久彌昌凡聲教所覃敷率
循源而溯本宜肅明禋之典用申守土之忱茲屆仲春秋聿昭祀事

配以 先賢孔氏 先賢顏氏 先賢曾氏 先賢孔氏 先賢
孟孫氏尚饗

御製樂譜

春夾鐘清商立宮 倍應鐘清變宮主調

迎神昭平

長樂縣志

卷之七

學校

三

典禮

簫譜 塤箎排簫同

大清變宮 伏清商 哉清商 伏清角 孔清角 伏清變徵 子清變徵

與清商 伏清角 天清角 伏清羽 地清羽 伏清變徵 參清變徵

祥清變徵 伍清羽 徵清羽 伏清商 麟清商 伏清角 紘清角 伏

日清商 伏清角 月清角 伏清變宮 既清變宮 伏清變徵 揭清變徵 伍

奠帛初獻宣平

予清變宮 伏清商 懷清商 伏清角 明清角 伏清變徵 德清變徵 伍

生清角 伏清商 民清商 伏清羽 未清羽 伏清變徵 有清變徵 伍

俎清變徵 伍清羽 豆清羽 伏清變宮 干清變宮 伏清變徵 古清變徵 伍

清清變宮 伏清商 酒清羽 伏清商 既清商 伏清變宮 載清變宮 伏

先清變宮 伏清羽 覺清羽 伏清變徵 先清變徵 伍清角 知清角 伏

萬清變宮 伏清羽 世清羽 伏清變徵 之清變徵 伍清角 師清變徵 伍

韻清商 伏清羽 答清羽 伏清變宮 金清變宮 伏清羽 絲清羽 伏

乾清商 伏清角 坤清角 伏清商 清清商 伏清變宮 夷清變宮 伏

玉清羽 伏清商 振清商 伏清變宮 金清變宮 伏清羽 聲清羽 伏

展清商 伏清角 也清角 伏清變徵 大清變徵 伍清角 成清角 伏

春清角 伏清角 秋清角 伏清變徵 上清變徵 伍清角 丁清角 伏

其清商 伏清角 香清角 伏清商 始清商 伏清變宮 升清變宮 伏

亞獻秩平

式清變宮 禮清商 莫清角 愆清變徵 升清羽 堂清變徵 再清商 獻清變宮

響清羽 協清變徵 鼗清商 鋪清角 誠清變徵 孕清羽 壘清變徵 獻清變宮

肅清變徵 肅清變徵 雍清角 雍清角 譽清商 髦清變宮 斯清羽 彥清變宮

禮清羽 陶清變徵 樂清商 淑清角 相清變徵 觀清角 而清商 善清變宮

終獻敘平

自清變宮 古清商 在清變徵 昔清角 先清羽 民清變徵 有清商 作清角

皮清變徵 弁清羽 祭清商 菜清變宮 於清羽 論清變徵 思清角 樂清商

唯清變徵 天清羽 牖清變宮 民清變徵 唯清商 聖清羽 時清商 若清角

彝清變徵 倫清變徵 攸清羽 敘清變宮 至清羽 今清變徵 木清商 鐸清變宮

長樂縣志 卷之七

學校志

典禮

徹饌懿平

先清變宮 師清商 有清角 言清變徵 祭清變宮 則清羽 受清變宮 福清變徵

四清商 海清變宮 鬻清變徵 宮清羽 疇清商 敢清角 不清商 肅清變宮

禮清變徵 成清羽 告清變宮 徹清變徵 毋清商 疏清角 毋清商 瀆清變宮

樂清變徵 所清羽 自清商 生清變徵 中清變徵 原清角 有清商 菽清變宮

送神德平

鳧清變宮 繹清商 戕清角 戕清變徵 洙清羽 泗清變宮 洋清商 洋清角

景清羽 行清變徵 行清變徵 止清羽 流清商 澤清角 無清變徵 疆清角

聿清變徵 昭清羽 祀清商 事清變宮 祀清變宮 事清羽 孔清商 明清角

化清變宮 我清變徵 蒸清變宮 民清羽 育清商 我清角 膠清商 庠清變宮

笛譜 笙同

大清變宮 伐清商 哉清商 仇清商 孔清角 仕清角 子清變徵 仇

與清商 仇清商 天清角 仕清角 地清羽 仇清羽 參清變徵 仇

祥清變徵 仇清變徵 徵清羽 仇清羽 麟清商 仇清商 紘清角 仕

日清商 仇清商 月清角 仕清角 既清變宮 仇清變宮 揭清變徵 仇

笛譜

予清變宮 仇清變宮 懷清商 仇清商 明清角 仕清角 德清變徵 仇

生清角 仕清角 民清商 仇清商 未清羽 仇清羽 有清變徵 仇

俎清變徵 仇清變徵 豆清羽 仇清羽 干清變宮 仇清變宮 古清變徵 仇

清清變宮 仇清變宮 酒清羽 仇清羽 既清商 仇清商 載清變宮 仇

長樂縣志

卷之七

學校

圭

典禮

笛譜

式清變宮 仇清變宮 禮清商 仇清商 莫清角 仕清角 愆清變徵 仇

響清羽 仇清羽 協清變徵 仇清變徵 鼓清商 仇清商 鋪清角 仕

肅清變徵 仇清變徵 肅清變徵 仇清變徵 雍清角 仕清角 雍清角 仕

禮清羽 仇清羽 陶清變徵 仇清變徵 樂清商 仇清商 淑清角 仕

笛譜

自清變宮 仇清變宮 古清商 仇清商 在清變徵 仇清變徵 昔清角 仕

皮清變徵 仇清變徵 弁清羽 仇清羽 祭清商 仇清商 菜清變宮 仇

唯清變徵 仇清變徵 天清羽 仇清羽 牖清變宮 仇清變宮 民清變徵 仇

彝清變徵 仇清變徵 倫清變徵 仇清變徵 攸清羽 仇清羽 敘清變宮 仇

先清變宮 仇清變宮 覺清羽 仇清羽 先清變徵 仇清變徵 知清角 仕

萬清變宮 仇清變宮 世清羽 仇清羽 之清變徵 仇清變徵 師清變徵 仇

韻清商 仇清商 答清羽 仇清羽 金清變宮 仇清變宮 絲清羽 仇

乾清商 仇清商 坤清角 仕清角 清清商 仇清商 夷清變宮 仇

玉清羽 仇清羽 振清商 仇清商 金清變宮 仇清變宮 聲清羽 仇

展清商 仇清商 也清角 仕清角 大清變徵 仇清變徵 成清角 仕

春清角 仕清角 秋清角 仕清角 上清變徵 仇清變徵 丁清角 仕

其清商 仇清商 香清角 仕清角 始清商 仇清商 升清變宮 仇

升清羽 仇清羽 堂清變徵 仇清變徵 再清商 仇清商 獻清變宮 仇

誠清變徵 仇清變徵 孚清羽 仇清羽 壘清變徵 仇清變徵 獻清變宮 仇

譽清商 仇清商 髦清變宮 仇清變宮 斯清羽 仇清羽 彥清變宮 仇

相清變徵 仇清變徵 觀清角 仕清角 而清商 仇清商 善清變宮 仇

先清羽 仇清羽 民清變徵 仇清變徵 有清商 仇清商 作清角 仕

於清羽 仇清羽 論清變徵 仇清變徵 思清角 仕清角 樂清商 仇

唯清商 仇清商 聖清羽 仇清羽 時清商 仇清商 若清角 仕

至清羽 仇清羽 今清變徵 仇清變徵 木清商 仇清商 鐸清變宮 仇

笛譜

先清變宮 師清商 有清角 言清變徵

四清商 海清變宮 鬢清變徵 宮清羽

禮清變徵 成清羽 告清變宮 徹清變徵

樂清變徵 所清羽 自清商 生清變徵

笛譜

鳧清變宮 繹清商 戕清角 戕清變徵

景清羽 行清變徵 行清變徵 止清羽

聿清變徵 昭清羽 祀清商 事清變宮

化清變宮 我清變徵 蒸清變宮 民清羽

長樂縣志

卷之七

學校

三

典禮

秋南呂清徵立宮

仲呂清角主調

迎神昭平

簫譜 壘篪排簫同

大清角 哉清徵 孔清羽 子清變宮

與清徵 天清羽 地清商 參清變宮

祥清變宮 徵清商 麟清徵 紱清羽

日清徵 月清羽 旣清角 揭清變宮

奠帛初獻宣平

予清角 懷清徵 明清羽 德清變宮

生清羽 民清徵 末清商 有清變宮

祭清變宮 則清羽 受清變宮 福清變徵

疇清商 敢清角 不清商 肅清變宮

毋清商 疏清角 毋清商 瀆清變宮

中清變徵 原清角 有清商 菽清變宮

洙清羽 泗清變宮 洋清商 洋清角

流清商 澤清角 無清變徵 疆清角

祀清變宮 事清羽 孔清商 明清角

育清商 我清角 膠清商 庠清變宮

先清角 覺清商 先清變宮 知清羽

萬清角 世清商 之清變宮 師清變宮

韻清徵 答清商 金清角 絲清商

乾清徵 坤清羽 清清徵 夷清角

玉清商 振清徵 金清角 聲清商

展清徵 也清羽 大清變宮 成清羽

俎清商豆清商干清角古清商春清羽秋清羽上清商丁清羽
清清角酒清商既清徵載清角其清徵香清羽始清徵升清角

亞獻秩平

式清角禮清徵莫清羽愆清商升清商堂清商再清徵獻清角

響清商協清商鼓清徵鋪清羽誠清商孚清商疊清商獻清角

肅清商肅清商雍清羽雍清羽譽清徵髦清角斯清商彥清角

禮清商陶清商樂清徵淑清羽相清商觀清羽而清徵善清角

終獻敘平

自清角古清徵在清商昔清羽先清商民清商有清徵作清羽

皮清商弁清商祭清徵菜清角於清商論清商思清羽樂清徵

長樂縣志 卷之七

學校

三

典禮

唯清商天清商牖清角民清商唯清徵聖清商時清徵若清羽

彝清商倫清商攸清商敘清角至清商今清商木清徵鐸清角

徹饌懿平

先清角師清徵有清羽言清商祭清角則清商受清角福清商

四清徵海清角饗清商宮清商疇清徵敢清羽不清徵肅清角

禮清商成清商告清角徹清商毋清徵疏清羽毋清徵瀆清角

樂清商所清商自清徵生清角中清商原清羽有清徵菽清角

送神德平

鳧清角繹清徵峩清羽峩清商洙清商泗清角洋清徵洋清羽

景清商行清商行清商止清商流清徵澤清羽無清商疆清羽

聿清商 昭清商 祀清徵 事清角 祀清角 事清商 孔清徵 明清羽
化清角 我清商 蒸清角 民清商 育清徵 我清羽 膠清徵 庠清角

笛譜 笙同

大清角 哉清徵 孔清羽 子清商 先清角 覺清商 先清商 知清羽
與清徵 天清羽 地清商 參清商 萬清角 世清商 之清商 師清商
祥清商 徵清商 麟清徵 紱清羽 韻清徵 答清商 金清角 絲清商
日清徵 月清羽 既清角 揭清商 乾清徵 坤清羽 清清徵 夷清角

笛譜

予清角 懷清徵 明清羽 德清商 王清商 振清徵 金清角 聲清商
生清羽 民清徵 未清商 有清商 展清徵 也清羽 大清商 成清羽

長樂縣志

卷之七

學校

三

典禮

俎清商 豆清商 千清角 古清商 春清羽 秋清羽 上清商 丁清羽
清清角 酒清商 既清徵 載清角 其清徵 香清羽 始清徵 升清角

笛譜

式清角 禮清徵 莫清羽 愆清商 升清商 堂清商 再清徵 獻清角
響清商 協清商 鼓清徵 鋪清羽 誠清商 孚清商 壘清商 戲清角
肅清商 肅清商 雍清羽 雍清羽 譽清徵 髦清角 斯清商 彥清角
禮清商 陶清商 樂清徵 淑清羽 相清商 觀清羽 而清徵 善清角

笛譜

自清角 古清徵 在清商 昔清羽 先清商 民清商 有清徵 作清羽
皮清商 弁清商 祭清徵 菜清角 於清商 論清商 思清羽 樂清徵

唯清變宮天清商 唯清變宮民清角 唯清變宮聖清商 唯清變宮時清角 唯清變宮若清角
籥清變宮倫清變宮 籥清變宮攸清商 籥清變宮敘清角 籥清變宮至清商 籥清變宮今清變宮 籥清變宮木清角 籥清變宮鐸清角

笛譜

先清角師清徵 先清角有清羽 先清角言清變宮 先清角祭清角 先清角則清商 先清角受清角 先清角福清變宮

四清徵海清角 四清徵贊清變宮 四清徵宮清商 四清徵疇清徵 四清徵敢清羽 四清徵不清徵 四清徵肅清角

禮清變宮成清商 禮清變宮告清角 禮清變宮徹清變宮 禮清變宮毋清徵 禮清變宮疏清羽 禮清變宮毋清徵 禮清變宮瀆清角

樂清變宮所清商 樂清變宮自清徵 樂清變宮生清角 樂清變宮中清變宮 樂清變宮原清羽 樂清變宮有清徵 樂清變宮菽清角

笛譜

見清角繹清徵 見清角峩清羽 見清角峩清變宮 見清角洎清商 見清角泗清角 見清角洋清徵 見清角洋清羽

景清商行清變宮 景清商行清變宮 景清商止清商 景清商流清徵 景清商澤清羽 景清商無清變宮 景清商疆清羽

長樂縣志

卷之七

學校

美

典禮

聿清變宮昭清商 聿清變宮祀清徵 聿清變宮事清角 聿清變宮祀清角 聿清變宮事清商 聿清變宮孔清徵 聿清變宮明清羽

化清角我清變宮 化清角蒸清角 化清角民清商 化清角育清徵 化清角我清羽 化清角膠清徵 化清角庠清角

樂器

麾 金鐘 玉磬 鼓 搏拊 祝 敔 琴 瑟 排簫

笙 簫 笛 壎 篪

舞譜

初獻

白稍前向外 生蹈向裏

民朝上 來起辭身向外

誰兩兩相對蹲 底朝上

其正

盛起平身出

唯兩兩相對自下而上東西相向

師稍前舞舉

神中一班轉身東西相向立惟兩中

明舉翟二合籥

度稍前向外垂手舞

越蹈向裏垂手舞

前向前合手謙進步雙手合籥

聖回身再謙退步側身向外高手回面向上

采正蹲朝上

帛稍舞躬身挽手側身向外呈籥耳邊面朝上

具正揖兩兩相對交籥兩班俱東西手執籥

成起辭身挽手復舉籥正立

禮兩兩相對交籥兩班俱東西手執籥

容正揖

斯籥向外退挽手執籥向外面朝上

稱回身正立

黍稍前舞

長樂縣志

卷之七

學校

三

典禮

稷正蹲朝上

非左右垂手兩班上下俱雙垂手東西相向

馨起合手相向立

惟左右側身垂手向外開籥垂手舞

神右側身垂手向裏垂手舞

之正揖朝上

聽躬而受之躬身朝上拱籥而受之三鼓畢起

亞獻

大左右進步向外垂手舞

哉右向裏垂手舞

聖面向外落籥面朝上

師退向正身立

實正蹲

天起身向前轉向外舞

生向裏舞

德合手謙進步向前雙手合籥蹲謙

作兩兩相對自下而上兩班相舉籥東西

樂上下俱垂手惟兩中班上十人俱垂手轉身東西相向

以 轉身東西相向立

時 稍前舞蹈兩班上下俱垂手向外

無 合手謙進步向前垂手合簫

清 稍前舞向外開簫翟

惟 雙手平執簫翟開簫翟

嘉 側身垂左手兩班俱垂手向外舞

孔 雙手舞簫翟躬身

薦 一叩頭舉右手叩頭

神 復舉右手叩頭

庶 三舞蹈舉簫向三躬身舞

長樂縣志

卷之七

學校

三

典禮

昭 舉簫復向左右躬身舞

三獻

百 向外開簫舞

宗 側身向外面朝上

生 兩班上下兩班相對交簫

物 側身向裏落簫

瞻 向外開簫舞

洋 開簫朝上正立

神 向外開簫舞

甯 進步向前雙手合簫

崇 相向立兩班上下以翟相簫

祀 向裏垂手舞

斲 回身再謙兩班上下東西相向合簫立

酏 向裏舞

馨 合簫翟朝上正立

牲 躬身正揖

碩 躬而受之躬身朝上拱簫受之一鼓而起

羞 舉左手叩頭

明 拜一鼓畢即起躬身三鼓平身

幾 舉簫向右躬身舞

格 拱簫躬身而受之

王 向裏開簫舞

師 朝上正立

民 合手朝上正躡

軌 合簫朝上正立

之 向裏開簫舞

洋 合簫

其 向裏開簫舞

止 回身東西相向手謙

酌向外開
簫舞

彼向裏開
簫舞

金開簫朝
上正立

疊合簫朝
上正立

唯向外垂
手舞

清向裏垂
手舞

且朝上
正揖

旨躬身而
受之

登躬身向左
合簫舞

獻躬身向右
合簫舞

唯躬身復向
左右簫

三合簫朝上拜
一鼓便起身

於側身向外
垂手舞

嘻側身向裏
垂手舞

成朝上
正揖

禮躬身朝南受之
三鼓畢起身

舞器

節羽簫

長樂縣志

卷之七

學校

三

典禮

誕辰

雍正五年制八月二十七日恭遇

先師誕辰王公百官致齋一日各衙門不理刑名民間禁止屠宰

名宦祠 在明倫堂之右中祀唐縣令殷堯藩 宋縣令李葺 閔

希聲 吳仲舉 方次彭 蕭竑 徐世英 袁正規 方翥

齊普 詹奎章 主簿陳之邵 趙文孫 教諭潘援 郭岱

訓導胡大韶 元縣尹呂復 明知縣邱宗亮 王遵道 潘府

鍾紹 龍琰 龍韜 何應和 吳遵 詹萊 楊汝輔 蔣

以忠 韓紹 郁文周 李奇珍 鄭尚友 夏允彝 縣丞張

文可 朱襄 主簿劉有源 典史黃本 熊廷用 教諭孫大

林逢經 陳狎 國朝吳士宏 邱安國 池劍波 黃榮庚
楊鵬南 王三韜 柯元慶 陳登標 邱步衢
每歲春秋二仲上戊日致祭儀同鄉賢祠

孝節祠 舊無專祠附在忠義祠內同治八年新建於明倫堂之右

中祀唐林巨卿 宋鄒異 高宗信 明范御 黃熙 國朝方

英穎 鄭思權 林仰先 陳鳴霄

祭同忠義祠

祭文

維靈秉賦貞純躬行篤實忠誠奮發貫金石而不渝義聞宣昭表
鄉閭而共式祇事懋彝倫之大性擎蒿莪克恭念天顯之親情殷

長樂縣志

卷之七

學校

三

典禮

棣萼模楷咸推夫懿德 綸恩特闡其幽光祠宇維隆歲時式祀

用陳簠簋來格几筵尚饗

節孝祠 在學宮之後 雍正六年建 所祀姓氏詳見節孝貞烈等傳每歲

春秋二仲上戊日致祭儀同忠義祠

祭文

維靈純心皎潔合德柔嘉矢志完貞全閨中之亮節竭誠致敬彰
闔內之芳型茹冰蘖而彌堅清操自勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦奠醪尚饗

鐸教

凡朔日長官率僚屬暨鄉約木鐸老人司約人等至講約所設香

案禮生唱序班行三跪九叩頭禮興退班齊至講所軍民人等環列肅聽禮生唱恭請開講司講生詣香案前跪恭捧

上諭登臺木鐸老人跪宣讀畢禮生唱請宣講

上諭司講生按次講畢退望日儀同

鄉飲酒儀注

每歲正月十五日十月初一日於儒學行禮前一日執事者於儒學之講堂陳設位次司正率執事者習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席者率僚屬出迎於庠門之外以入主居東賓居西三揖三讓而後升堂東西相向立贊兩拜賓坐執事又報曰僕至

長樂縣志

卷之七

學校

三

典禮

主席又率僚屬出迎揖讓升堂拜坐如前儀賓介賓俱至既就位執事者唱司正揚觶執事引司正由西階至堂中北向立執事者唱賓僕以下皆立唱揖司正賓僕以下皆揖執事者以觶酌酒授司正司正舉酒曰恭唯

朝廷率由舊章敦崇禮教舉行鄉飲非為飲食凡我長幼各相勸勉為臣盡忠為子盡孝長幼有序兄弟恭內睦宗族外和鄉里無或廢墜以忝所生語畢執事者唱司正飲酒飲畢以觶授執事執事者唱揖司正揖賓僕以下皆揖司正復位賓僕以下皆復位唱讀律令執事者舉律令案於堂之中引讀律令者詣案前北向立唱賓僕以下皆立行揖禮如前讀畢復位執事者唱供饌案執事

者舉饌案至賓前次僕次介次主三賓以下各以次舉訖執事者唱獻賓主起席北面立執事者斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僕前置於席交拜如前儀畢主退復位執事者唱賓酬酒賓起僕從之執事者斟酒授賓賓授爵詣主前置於席稍退贊兩拜賓僕主交拜訖各就位坐執事者分左右立介三賓眾賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僕以下皆行禮僕主僚屬居東賓介三賓眾賓居西贊兩拜訖唱送賓以次下堂分東西行仍三揖出庠門而退

凡鄉飲酒禮序長幼崇賢良別奸頑其坐席閒年高德劭者居上年高淳篤者並之以次序齒而列其有違條犯法者不許干於良善之席違者罪以違制敢有誼譁失禮者揚觶者以禮責之 主知府知州知縣如無正官佐貳官代位於東南 大賓以致仕官爲之位於西北 僕擇於里年高有德之人位於東北 介以次長位於西南 三賓以賓之次者爲之位於賓主介僕之後除賓僕外眾賓序齒列坐其僚屬則序爵 司正以教職爲之主揚觶以罰 贊禮者以老成生員爲之

規制

學宮在縣治南創自唐乾符四年宋慶曆中圯歷年繕治弗就元祐

三年縣令袁正規議修建邑人林通作縣圖經買錢二十萬富民贊襄其事新 宣聖殿及殿後堂堂之兩序十二齋崇甯初增置

五十三區元至正中復圯儒生林文壽等重建易其額曰 大成

殿明洪武十五年知縣邱宗亮如制鼎建殿堂齋舍燦然具備永

樂中學之西邊柳樹有榕寄生其上訓導林慈于兩廡之背各建

一軒扁曰朝陽瑞榕 林慈記長樂邑學之西偏有古柳一株高二丈許忽榕子寄生其顛歲月既久柳日衰而

榕日長若有鬼神培植之者柳之幹卒為榕膚所包焉時有識者見而異之以為諸生登第之兆厥後三年大比陳生全計偕京師

廷試果為榜眼又三年馬生鐸廷試狀元名振天下其領鄉薦中

軒日瑞榕請余文以記之余曰傳不云乎善之將至有開必先

降時兩山川出雲物之瑞事之徵也况賢者懷材抱藝乘時而奮

長樂縣志

卷之七

學校

三

規制

而嘆曰此佳識也官筭生矣吾邑公卿文士由茲而盛後果如其言今瑞榕視官筭識為尤佳矣吾黨後生誠能追前人逸駕勵志懋學以奮發乎文章吾知其敷對大廷禮樂三千狀頭及第之選非吳航庠諸髦俊之屬而誰屬余雖老矣尚當傾耳以聽拭目以觀焉天順中知縣任衡重修廟學成化中知縣羅敘撤明倫堂而葺

之宏治辛酉知縣王渙重修 邑人陳潭記學以儒各遵儒道也羣士於學業儒術也儒之道所以範世

紀俗植人極造斯民天地萬物舉賴是而安者也外此則異端小

技君子有弗事焉者矣士而講訓詁組文詞為鈞名媒利計已非

國家待用之意矧槃習業於家遷奪外務荒惑心志於學制殆若

虛設然烏乎其可長樂古名邑學在縣治南距百步許創自有宋

元祐閒而我朝因之夫何地址淺隘規制猥陋至校官住舍而

弟子員傲居民屋兼之圯敝相仍幾就荒落宏治戊午象山王侯

渙以進士合茲邑日學廢不修合之責也隨葺講堂尋建樞星門

以歲儉費窮輟工以待歲辛酉御史陸公亦以學敝不足庇士令

校官具修理狀而檄有司為之明年王侯考最還任曰此吾夙志

也於是修兩廡次戟門次學門次生徒號舍及內外周垣敝者治

之缺者完之暗者鏤飾之壞且甚者畢撤而更作之復購東偏民

地若干步南向為屋三楹以廣教諭公廨西向為屋二區區各六

間以爲訓導公廨戟門之東立鄉賢祠旁隙地爲倉屋凡布畫位
置日必方必正毋令他日改爲也度量材日必堅必緻毋煩後
日更作也諸役與費悉出於官而一不以擾民經始於上年五月
畢工於今年之三月由是講誦有所激勸有所舉百數年積敝不
匝歲而一新之侯之功何大且速哉諸生曰侯爲善政以活我民
又爲此學以嘉惠我士子不可使厥功德無傳於時教諭潘君援
貳教鄭君謬方君彰以記筆屬予且欲勵諸後人於戲侯德若功
已識於人口而鑄於民心奚以文字爲哉蓋侯以名儒蒞民故無
人無我處官猶家而成功裕如也使爲政皆心侯之心何以事功
不立爲患哉雖然爲國育才有司職也積學待用學者事也儒先
謂宇宙閒事皆吾分內民物之責有身則有之雖吾分有與焉與
否顧上之所以養我而待於我者在是我之所以爲學而求副乎
上之所以待者在是使唯掉筆墨微利達而實無益於民與物甚
者又從而戕之國家積歲而教其所望於我者何如而顧以是應
則奚貴乎立學校養士爲哉長樂人才素爲吾閩冠先哲之茂德
偉功足爲邦人勸者具列鄉賢祠永樂閒陳君全榜眼第馬公鐸
李公騏相繼登狀元第自後掇巍科躋膺仕以儒術效於世者後
先相望今學改舊觀士氣益振凡游斯歌斯者必磨刮奮勵與前
哲爭高期無負於聖朝建學之意與賢有司興學之心也苟
徒趨逐時好務浮誇而乏實用不知於國家教學之意何如正德

長樂縣志

卷之七

學校

三

規制

十四年災御史沈灼檄知縣曹鑑更建中爲 聖殿翼以兩廡其

南爲戟門又其南爲櫺星門門內鑿泮池而橋其上嘉靖九年知

縣曾銑奉制改 大成殿爲 先師廟建啓聖祠在殿之東祠前

建敬一亭亭前鄉賢名宦二祠廟之西爲明倫堂附堂二厦爲兩

齋東曰居仁西曰由義西齋之旁有會膳堂東西號舍各五閒其

前儀門又其前爲儒學門倉房神厨在儀門右教諭廨在敬一亭

左又構民地拓建訓導廨二所一在教諭廨之左一在儀門外之

右並有廳及寢室各三閒櫺星門之東偏有牌坊舊匾曰泮宮嘉

靖二十四年教諭劉洙潤闢路往來名曰賢路四十年殿戟門將

圯知縣戴時望復重創焉學前向苦民居蔽射司馬陳省嘗欲捐

金去之萬歷四十三年知縣萬編與教諭袁文紹始定界拓屏門

於櫺星門外周垣方整形勢軒豁郡人侍郎董應舉記長樂人文

儉勤敦篤廉耻之教不替于先民學士大夫相觀相摩東身若處

子毋敢軼越故教成而俗美士慤而文興彬彬大魁名卿貞標亮

節相踵于前後其教使之然也其後寢不如前或者歸之學宮之

形勝變易夫形勝之說誠有之然其興壞得失亦若與風教相乘

其興而壞壞而興必皆有人焉為之而氣運亦隨以轉若天有以

使之然者吾嘗與樂之人士游考覽學圖推其所以得失之故蓋

溪東蝕而路斜飛水既反跳而學前民屋蔽射皆非昔日之舊其

故蓋難言之司馬陳公省持士論歷請當道修改袖金為資莫克

復舊郡守喻同守鄧先後親勘大不利于陳李二家李願受金折

屋去學之蔽矣獨陳憤加侵地之名於其父大與諸生為難不得

解時司馬亦捐館事幾寢起部蔣公奮曰斯非關通邑文運而吾

敢憚力遂白督學馮公集合同志李公庭模以署邑唐侯所丈界

刻日拆正于是學中矢射反跳虧蔽之害始去十七八而蔣幾見

螿會萬侯至毅然圖成割溪歸學標以界石復橋于巽鎖水偃流

與掌教袁公文紹極力從事追尋舊制參厥新規設屏門于櫺星

門外垣于學門坊於廣術軒豁帶抱實壯前觀又欲濬流引邑前

長樂縣志

卷之七

學校

三

規制

水與東溪合興作捐助計不全勝不已諸生權咏鼓舞請刻圖于石垂示永永而求記於余余向謂形勝之說與風教相乘觀諸生士大夫今日之意氣或庶幾乎作之仁侯協以良傳若天湊其會以大昌斯文者復往昔名卿大魁之盛將于是乎始不佞無詞以贊敬陳師友腐語用規於多士曰聖有完學請復其心宗廟百官之富美皆在是毋令蝕焉不如數仞之宮牆也知縣萬編記儒學在縣治東南首癸趾丁左為聖殿右為明倫堂制獨異于他邑其堂宇廡署仍舊貫者不具論論其新闢者櫺星門舊制視儒學門稍却今移前數武與之並峙偶以颶風剝落隨重建焉門以內左為賢路右為儒門賢路之左為名宦鄉賢祠祠無藩屏似在宮牆之外今垣而居中泮池舊在櫺檻內今議改明倫堂前與聖殿相襟帶掌教與東齋解向無便門俱從大殿出入今新闢于名宦鄉賢之前殿前建大成坊一座列以賁鏞以禦東屋之飛射外列兩坊左曰翔龍右曰起鳳南有隙地濶六丈深二丈五尺介在陳李二家之間皆學宮址也扶闌而閑之復達道橋於巽方引溪水注下為龍門池水不欲其直出為牆以控之題曰鯉化池由內河漚江河岸俱係新濬較往昔倍濶議者猶欲加濬合可通舟楫引馬江之水達于泮宮則尚有待云橋邊豎以掖垣題曰萬仞宮牆以捍東街之衝突牆以東舊為興賢路今復其坊為興賢坊東牆因迫於溪河故稍曲而前西牆亦審曲如東式外有餘地蓋小

屋三開官廨後店屋四開雜于市塵今改折方正牆外鄰溪原有
路通達道橋今蓋小屋一間塞之其屋俱賃與居民歲牟共入以
供公費學前新拓之地東西自轉曲處取中前濶十九丈四尺深
三丈四尺後濶二十二丈六尺深六丈八尺大成門前有通衢自
縣前直下由起鳳坊橫亘而東遶南抵達道橋皆新得李陳二姓
地所增廓者經始于癸丑年冬十二月落成于甲寅年秋九月厥
功既成觀者胥慶謂四十年來所曠觀故因繪圖
而詳書之庶嗣來者知修復之艱按圖可鏡矣 崇禎十三年垣

圯知縣夏允彝修築十四年仍將泮池開廣四尺深五尺引馬江

之水潛通其中重葺垣牆詳在城池 國朝順治四年燬於寇六

年知縣呂鳴純重建提督學院康熙三十六年署教諭陳夢齡重

修有記余性懶才疎自分與冷署相宜可以偷閒藏拙無如司鐸

閩清見其荒城寥落學宮殘毀則又不能自安方在經營補葺

災遭暴水為災新舊盡圯甫平甯亟修 聖廟泊 啓聖名宦鄉

長樂縣志

卷之七

學校

罕

規制

頃刻緩者乃屆文武闈期迫奔走不遑迨竣事回署粗葺衙齋稍
得棲止立進諸子衿為修理計人咸難之謂蕭索冷檀臺無長物
而諸生亦多屢空則力難荒旱餘糧騰貴如玉而十人九枵腹則
時難且事權不屬日出直募功少不應其求朝作而夕輟則勢尤
難況余以五日京兆為期至蹙求成務速不又難之難平惟思一
日居官當供一日之職實不敢以難自沮因決計為之乃罄臺中
所有不惜盡捐而諸生亦欣然以秋季廩餼佐之于是請諸上臺
得報可遂推諸生之優于綜理者林生廷謨李生建基鄭生國球
江生峯青鄭生純仁陳生天輔等數君董其事俾通邑紳士各隨
其力所及而余更省學中諸公費悉充焉相其緩急以次經營先
及圯墜之廟貌次及盡頽之東廡將傾之西廡繼而戟門以飭櫺
星門以新黝聖丹雘 聖廟始煥然改觀矣顧啓聖名宦鄉賢諸
祠已將委地而明倫堂猶在露處豈 至聖所自出名賢所游處
可置之如遺而鼓鐘絃誦之地可聽其鞠為茂草乎更相與努力
成之蓋三閱月而又就緒也余非敢自以為功特紀其本末以敬
告後之同志者願其隨時補葺以不墜成勞則 聖賢之妥侑英
材之蔚興 四十年署知縣事張植重修 邑人江震記天下之治統
永賴之矣 集道統之傳者惟孔子故自三代以來所在郡國皆有學而漢唐
以來學必建 文廟以祀 至聖蓋所以養育人才宏敷教化迪

多士以禮樂詩書之業納斯民於倫常軌物之中甚盛典也我皇上懋昭至治振興文教尊崇先聖先師之典視漢唐有加而吾邑文廟當兵燹之後幾數十年棟折榱崩日就傾圮歷任因循罔克修葺春秋朔望使邑大夫與博士弟子員踰蹒濟濟僂僂罄折于頽楹敗垣之下其何以肅觀瞻崇聖道仰副聖天子右文至意前署學陳素園先生實葺治之而任事未久僅免頽頹學博陸先生悉心經營五載而明倫堂學舍始告完其於大殿以功大費鉅未遑也今夏建州司馬張公來署邑事洞察民瘼留心吏治甫下車瞻謁卽以重修爲己任同陸先生集諸生召匠人程材鳩工度所需若干而捐貲以爲之倡首聖殿次兩廡次二門次櫺星門次周垣其治材必堅其加功必固役不煩民凡兩閱月而竣事制弗改于其舊而梓材丹雘巍然壯數仞之觀倚與美哉夫長民者豈徒以急簿書期會之閒爲能其所以承流宣化必以教化爲先務樂邑素稱鄒魯而學校廢于上則絃誦詩歌輟于下今昔易感毋亦惟是長民者實使之然今公來蒞是邑百廢振興而獨以興學爲首將記所謂師嚴然後道尊道尊然後人知敬學菁莪棫樸之化必有重見昔日文物之盛者而人倫明于上則小民親於下俗之易治實在乎此此公之大有造於吾邑而吾邑長戴公與陸先生之德于不衰也將陳先生一片留心學校至意併傳不朽矣因勒石而爲之記

長樂縣志

卷之七

學校

聖

規制

殷鳳梧倡建後殿其餘亦皆修葺乾隆二十四年知縣賀世駿倡捐修後殿鄉賢祠名宦祠忠義祠明倫堂移祝聖道場于明倫

堂

原在南山三清殿

後重建崇聖祠奎光閣儀門東爲見賓館戟門外砌

東西牆直抵照壁左右開兩門左內曰禮門外曰江漢秋陽右內

曰義路外曰金聲玉振照壁曰萬仞宮牆照壁外爲省牲所旁豎

下馬碑襄其事者邑紳衿鄭振武鄭純滋林乾陳兆禮鄭鍾鄭秉

藩鄭湘陳兆贊林泰鄭良倌鄭良鈞也

進士林調燹有記見藝文

五十六年闔

邑捐修移建鄉賢名宦忠義三祠於明倫堂右

邑人陳奇銑記別見

嘉慶二

十四年奎光閣圯道光二年訓導謝大錫倡修並濬文洽浦砌泮

池廣三尺深四尺池上更造橋穴地溝高一尺許口出達道橋以

通潮水又填官倉浦餘地自道光

年起成田三畝有奇

歲載乾淨租一千六百觔皆董事經理以為 帝誕奎誕及歲修

八角樓文洽浦等項之用

邑人陳學穎記道光改元春司訓謝公自龍巖來集諸生講論慨然曰作者述

之本故者新之基凡事皆然也吾學去溪遠引與泮池通文風稍振今收長之邑乘亦云水通泮池日久莫詳其處然吾觀文洽浦上接資聖溪匯學宮左通之便且學之有奎光閣象文明也風雨傾頽不二年于此乎諸生日唯唯邑之人有志興修也久矣矧自乾隆辛亥距今三十年 崇聖 大成兩殿東西廡明倫堂以及忠義名宦鄉賢祠滲漏漫漶又宜修葺圖之此其時也顧工力有簡有繁有緩有急有專營有兼及首奎光閣鳩工庀材規模增巍煥也次文洽浦泮池鑿深拓大潮汶交往來也又次則聳對山築三台案也標來路建興賢坊也崇規制則儒學大門外繚以牆翼以門也而殿廡堂祠亦以次塗墍茨塗丹雘也他如砌隄岸之崩擴水關之隘復河南道鄉會試登舟之所填官倉浦成田三畝有奇歲牟其入備不時補罅隙挑泥壅之需利且可以善後也經始于是冬二十五閱月而工竣董其事者固善為規畫矣惜夫謝公不及見其成也然由此文明煥文運興上應我 國家建學崇

長樂縣志

卷之七

學校

聖

規制

文之盛則倡始之力邑之人當不忘於公也余亦何敢以不文辭哉公諱大錫號蔗田庚申舉人 三年邑紳士捐

修正殿明倫堂同治八年捐濬文洽浦竣工後復行重修並建孝

悌祠改洽浦書室為洽浦報功祠現 崇聖殿在 文廟東奎光

閣在 崇聖殿前名宦鄉賢忠義三祠在明倫堂西孝悌祠在明

倫堂傍祝 聖道場在明倫堂後教諭訓導署俱在 崇聖殿東

見賓館在 明倫堂儀門東省牲所在照壁對面

祝 聖道場凡遇

萬壽聖節千秋節及元旦冬至大節先期陳設 龍亭供奉香燭至日

黎明各官朝服左文右武行三跪九叩禮畢坐班

敬懸

列聖所頒御書匾於正殿

萬世師表 康熙二十三年頒

生民未有 雍正三年頒

與天地參 乾隆三年頒

聖集大成 嘉慶二年頒

聖協時中 道光二年頒

德齊疇載 咸豐二年頒

聖神天縱 同治三年頒

祭器 明正德己卯 文廟災僅存銅爵一百三十七銅香鑪五銅

花瓶四銅盥盆一錫盥盆一錫酒尊二錫小香鑪十二照夏志嘉錄入

長樂縣志 卷之七

學校

聖

祭器

靖戊申知縣吳遵教諭劉洙潤因剝落重造銅登六銅劍二十二

銅簠簋各四十四銅爵五十六銅香鑪四錫酒尊二竹籩一百八

十六木豆一百八十六木帛匣十六木燭臺一百四十四木大方

盤二十五磁香鑪二十六供桌二十二邑人陳大濩記祭器有記其助於古乎昔周公旦紀

六彝大夫邾銘尊敦凡以崇祀典耳况先聖廟祀尤我國家所最

重者伏觀大明會典祀先聖禮織悉備具又按一統志長樂儒學

自洪武中重建實我太祖崇儒興學之始於時 文廟祭器悉如

會典所定列聖總統祀典益隆視昔益壯觀至正德己卯歲以畢

方作崇登銅簠簋既于煨燼其銅器所存者惟爵一百三十七香

鑪五花瓶四盥盆一錫器所存者惟盥盆一酒爵二小香鑪十二

木器所存者惟小方盤一百二十條盤二十帛匣九其籩豆各一

百八十六皆蠹朽不堪用每遇春秋之祭輒以磁碗代之如是者

二十八年未有一整頓之嘉靖丁未歲教諭劉洙潤謀于訓導伍

鑑何良弼曰我朝祀 先聖禮極隆今祭器殘缺非所以承德意

也况啓聖祠實我皇上所肇建而祭器尤不可無遂請于察院及

提學道俱如擬廼委典史林洞估計准支官銀五十七兩為工費

資時縣丞馬堯民適管其事是歲十二月經歷熊曠攝縣事謂茲舉為有司首務凡百綜理罔不殫厥心然尚未就緒也戊申歲春二月知縣吳遵始到任於是鳩乃工庀乃材督乃程既閱月乃底績凡造過登六鋤二十二簠簋各四十四爵五十六香鑪四俱以銅為之酒尊二以錫為之邊一百八十六以竹為之豆之數亦如邊燭臺一百四十四帛匣十六大方盤二十五俱以木為之又于文廟兩廡置磁香鑪二十六及供桌二十皆煥然一新蓋經始于嘉靖丁未之二月而成于嘉靖戊申之三月也事既竣知縣吳遵集教諭劉洙潤等謂先聖廟器非勒石無以示崇重乃以始末緣由及所置件數屬大漢為之記使典守無遺忘焉大漢拜稽首曰猗歟休哉夫茲舉也教諭劉洙潤倡始之訓導伍鑑何良弼協議之經歷熊曠綜理之縣丞馬堯民主簿孫佑典史林洞贊襄之知縣吳遵督成之遂使累年曠典一旦鼎新誠盛事也然非諸賢則不能成功茲亦艱矣石其可無勒耶雖然亦存乎其人焉耳繼自今凡官茲土者其相與慎守之以無負我國至家崇奉先聖至意則茲石也可以垂不朽矣至國朝增為銅爵四十六內廢棄者二十九錫鋤五錫簠簋各十錫酒尊二錫尊五錫龍

勺五錫香鑪九錫燈一錫燭臺二錫花瓶二木邊豆各四十二木

長樂縣志 卷之七

學校

樂器

俎十一木篚九木登二十八木架二黃緞龍傘一黃緞龍鳳扇各

一黃緞旛引華蓋各一木架各一今尚存以上錫祭器均係知縣盧擇元捐造

樂器 舊志無有道光閒訓導蔡承祐捐置柷一圉一鼗鼓二應鼓

二懸鼓一琴一瑟一管二龍笛二笙二編鐘十六架一編磬十六

架一特磬一歌笏八麾二節二籥翟各十六今存 咸豐四年邑

人鄭家賓捐充演樂經費計根面全田一畝二分坐產龍門洋

一草鞋山上田六分零 一圓山邊上田五分五釐零原租伍百伍拾觔現

歲載租 碑勒明倫堂東邊牆查樂器尙有大鐘一鼗一搏拊二

書籍 舊存十三經十七史並宏簡錄通共五十七套總計五百六

十本 國初散失嗣經頒給購置乾隆二十八年存 御纂易經

書經詩經春秋共四部三禮義疏一百八十本學政全書二套明
史一百本孝經註解一本性理精義一部朱子全書一部小學纂
註二本近思錄集解二本大學衍義輯要二本大學衍義補輯要
六本四禮初稿二本四禮翼一本呂子節錄二本養正遺規一本
教女遺規一本訓俗遺規二本從政遺規二本在官法戒二本豫
章學約一本越後復增省例五本通續志一百一十二本禮部則
例三十一本新頒禮部則例二十四本國子監則例五本大清律
例八本 御論講章一本 聖諭廣訓一本 御論一本 上諭
一本 御纂平定大金川碑文一張 御纂平定準噶爾碑文一
張 御纂平定兩金川碑文二張咸豐七年大水漫入霉爛無存

長樂縣志

卷之七

學校

聖

書籍

射圃 在學宮西南二百餘步南山墪下明建文四年知縣王遵道
創長一百步廣六十步中建觀德亭歲久圯地沒于民隆慶三年
知縣蔣以忠復之仍建觀德堂前爲正志軒軒兩旁廂房各三間
稍下左右各爲亭一左覆義井右豎石碑前立牌坊額曰矍相之

圃中有甬道繫以石長百步有奇繚以周垣

邑人鄭世威記郡縣之建學以造士也學

必有射射必有圃蓋將使之居方習禮崇樹正志遜之宜熟聲華
俎豆之節別雋庸核純糝士之觀于茲者脉脉乎知所勸讓射圃
之於學顧弗重歟長樂舊圃瀕學宮西南半里許肇自國初邑侯
王遵道嗣潦濕頽圯久且併其地而蝕沒之迄於今茲未有復者
隆慶三載蔣侯以名甲科來合吾邑至則抑冗費卻例金右文振
學稽士程材環視學宮詢射圃獨闕則惕然傷之曰茲固多士觀
德之所也而可獨闕乎謀亟復之乃民之私圃地者故誦侯恩信
且慕德教思悉歸故址遂廣如誌侯喜曰圃其可興矣于是度資
貿材鳩工召役摺昔圖而規恢之前闢高閣中構夷堂翼以廊廡
輕以寢庭前堂扁曰觀德寢庭則祀吳侯初泉生像以其立學田

新廟器功且不朽多士咸樂祀之既而弟子員鄭子道申鄭子源
滄等以侯復學田鼎射圃其功在多士于前賢有光焉議並祀之
侯謝弗居也然輿情允協其竟克已耶是役也始於己巳臘月逾
年正月竣事邑之人士懼嘉績之弗彰無以詔於永久乞余言而
鑱之石乃進多士而告之曰斯圃不復久矣惟侯蒞政之初首崇
學校修舉百餘年已廢之緒而襄此盛舉侯誠有造于爾多士矣
爾多士果何以無負於侯哉夫國朝稽古立射非以崇武也所以
風多士而示之鵠也鵠者正也各正其心而已矣慨自心學既湮
士競詞章之習世之所謂正心者則又每每認物為理以人心為
道心以氣質為天性宏濶揣摩元虛籠統而程朱窮理實踐之學
廢而不講是則所謂舛也心何由正孔子曰修身而發不失正鵠
其惟賢者乎正心之謂也又曰括而羽之鏃而砥礪之其大之不
益深乎典學之謂也士進于是則道德功業隨發而中斯其無負
於天地四方之志而我侯新圃作人之功為益大矣多士勉乎哉
知縣蔣以忠記余蒞吳航甫再旬時督學大夫周檄郡縣士各習
射以待躬較試余曰噫此有司者之職廢而不修咎實在余急趨
射圃議新之未得也乃索邑乘及詢里父老僉謂舊址在南山之陽
去學宮不百武而近中沒於故民某某垂五十載矣願未有復者
奪於浮議而阻於請託也余曰嘻有是哉召故民之子若孫諭之
汝祖父懣於法而漁吾地食地之毛有年矣汝亟撤汝籬毀汝垣

長樂縣志

卷之七

學校

巽

射圃

以還吾故宮之墟吾姑貫汝罪弗治乃故民之子若孫咸縮縮畏
法持祖父僞牒稽首獻地如吾指而坊若堂未有建也余因請於
代巡蒙公暨周公以圃餘隙地售旁舍生鄭源滄輩估以值合傳
工建焉二公謂是議也官不煩而民甚便亟許之乃畫為規制臨
衢有坊楣曰矍相之圃後為正堂扁曰觀德稍前為軒顏曰正志
旁各為房者三左右各為亭者一中為甬路甃以石長百步有奇
以具射位最外為垣視甬路之長倍之而高可三之一鄭生輩亦
欣然趨事不越月而宮牆煥然堂除整刷矣復擇闈者一人守焉
時啓閉戒樵牧也時邑博士陳君豪朱君僑王君汝乾共典教事
謂此舉不可無述遂請文於少司寇環浦鄭先生碑之而又以碑
陰屬余記余讀鄭先生之言備矣余何以益諸獨念夫取存于既
亡扶輿于已墜排羣譁而不恤輕眾怨而弗顧則予之所任而欲
告夫後之人者也尚其相與保之而弗為旁睨者所潛蝕則若堂
若坊永且弗朽而僅僅一畝之宮與邑並垂矣碑將建而博士林
君一鵬陳君邦實相繼來代與竣其事至國初亭塌牌坊僅存
若始終觀厥成者王君也故復及之

里人建 關帝廟於其中歲久廟圯康熙四十一年知縣張植偕

都司強藩各捐俸重修 有記 雍正五年改觀德堂為 崇聖祠射

圃遂廢乾隆二十四年知縣賀世駿捐俸重修折前牌坊改創三
間復闢射圃廟右另建觀德堂三間於上規制如舊氣象一新嘉
慶間知縣楊清輪倡修並建官廳於左有記歲久正後殿棟宇朽
敗射圃亦土壅成阜同治七年里人鄭鵬程陳良驥陳臻等勸捐
重修正殿更設宮門兩楹制倣文廟隨葺後殿修射圃在武廟右
建官廳在武廟左廳後新構房屋數間以為校射時諸生憩所

射器 年久朽壞明隆慶六年知縣蔣以忠增補 壺 勺 爵

觶 斯禁 俎 籩 豆 洗 筐 磬劉志所載石磬燬於火今石磬係正德十六年

原任知縣曹鑑巡按直隸鋪遞所寄 鼓 琴 瑟 笙 和 侯 乏 旌 弓

矢 決 遂 朴 物 楅 韋 當 鹿 中 算 豐 計三十

長樂縣志

卷之七

學校

器

射器

事悉照夏志錄入 現歷久無存應俟補造

泮額 廩膳生員二十名 增廣生員二十名 附學生員不限額

科歲兩試各十五名雍正三年奉文增五名武生歲科併試取十

五名咸豐九年督學徐樹銘會議奏請永遠加額 詔增文武科

歲試各增十名謹按咸豐七年後照各縣捐輸隨時酌廣學額或二四名或二三十名不等非定額也

樂舞生 學政全書額載每學舞用六份即照份舞之數設三十六

名外加四名以備事故更替現在樂舞生四十名

學租 明嘉靖中知縣吳遵以廩額有限而庠士多貧取久廢觀音

巖泉二寺田園共六百六十四畝三分歲入租銀一百三十二兩

有奇悉輸之學分贍諸生燈油及不能婚葬者邑人鄭源煥記天地以生人為心人

君以養賢為務慨自元朝撫運孔子之道幾絕而不講洪惟我太祖高皇帝繼天立極用夏變夷建彙之始即立學校特優廩餼道化之隆比於三代肆我皇上紹履慶基益宏先烈仰成之效漸於海隅學宮弟子員信蕤於初海濱鄒魯如吾邑尤彬彬然第物產惟磽廩額有定士人之貧者十常八九嘉靖己酉巡按御史少岳陳公貞度章教興起來學吾邑初泉吳侯簡括觀音巖泉廢寺田園共六百六十四畝三分自常賦外凡得金一百三十二兩有奇悉輸之學歲給博士諸生用稱德意立學宮垂示永久庚戌御史元山曾公按閩益隆文教督學鎮山朱公夙崇聖學迺謀諸教諭李公應科訓導何公良弼胡公大韶率主簿王公遠典史林公洞正其畝區減其租額以均惠佃民則壤有三政支事宜有七歲登之籍有二分存學官有司互相稽查春三月告成屬源渙記其事源渙曰事不泥於迹而得其意者為善述法不專於惠而足以勸者為善經學田非古也使井田而在則廩膳之供亦田而已矣況於常數之外不以官侵不以民奪而大有裨益於君子是不為善述朝廷養士之意哉學田惠養也士雖不以無養而不學亦未嘗不以有養而益勵鼓舞髦之盛成富有之業以熙我國家生生之運無疆之休則養之時義大矣是不為政之善物歟侯以身率物以廉貞俗惠養吾民咸就法理疲癯斃若或殉之三年而政成斯舉也不惟得養正之吉而反經闢邪之意寓焉故樂為之記若

長樂縣志

卷之七

學校

吳

泮額學租

夫賢侯錫類之仁以厚望於多士士奮於作德以無負於侯將百世之後稽于太史氏可也侯名遵字公路浙江海甯人三十

四年督學盧夢陽移租他用隆慶四年知縣蔣以忠申復之歲終

分給如前

邑人陳瑞復學田記邑庠有田以歲給諸生自初泉吳公始也田出廢寺前學憲盧公視閩學移其稅供別費

有司去代相繼莫為省己已夏蘇熟貞菴蔣公來蒞邑留意學校因與邑博陳公松山王公白湖議曰嘻學田名存而實廢奚以田為睹其廢而因仍弗之省者怠也謂創不在己而弗之復者私也遂力請於代巡蒙公督學周公仍歲徵其稅於學而均給諸生閒有貧不能婚葬者尤加厚焉諸生相與言曰吾庠有田非初泉公莫創非貞菴公莫復也創者既書石矣復之者可無記其事耶羣丐言于余余聞釋老之徒壞形惡服不耕不蠶以自枯槁於山林故其勢不能自衣食而衣食於人儒者謂為斯民之蠹至欲人其人火其書廬其居以行吾聖人之常道夫既欲廬其居矣即廩其田庸何傷此初泉公創之貞庵公復之皆不溺於因果之說而出於興起斯文之盛心也田創於嘉靖辛亥廢於乙卯而復於隆慶庚午侯之為政可謂知所先後不為世俗之吏僅斤斤於簿書刑名間是非大有補於初泉公而功加學校惠及青衿者哉若夫田畝之籍租賦之額則向有碑陰在矣余姑道復田之始末而且望

後之君子之不
廢常如今日也
嗣復為督學取用
國朝順治間遷界田荒康熙

開復報墾二百五十一畝四分零縣徵租銀五十一兩九錢五分

歲復候文給廩生貧士社師支領
康熙二十二年總督姚公啓

聖置學田三十一畝三分零
一三都岱邊土名溝邊橋上則田

一十二畝八分七釐八毫中則田四畝九分三釐九毫載租二千

八百三十二觔
一岱邊洋土名車頭窟邊中則田四畝二釐載

租四百六十觔
一龍門土名汀沙浦中則田七畝九分載租九

百觔
一小頭墩中則田一畝六分載租二百四十觔
共載租

四千四百三十二觔學徵歲給貧士策應月課及胥斗工食

知縣張允

斷記學田之設所以崇斯文贍貧乏以為作育人才計甚盛典也
從來賢君良佐手闢太平罔不舉而行之是以一時文治蒸蒸不

長樂縣志

卷之七

學校

完

學租

變閩中人文淵藪自考亭寄跡而後理學輩出下歷有明以逮
國朝文章鉅公蟬聯繼起彬彬稱極盛焉長樂雖藐爾彈丸而人
知篤學文名科第甲於他邑後因海寇猖獗行清野之法舉沿海
居民徙之內地長邑以瀕海危疆士散民移書田荒廢甲寅之歲
復值逆藩竊據數十年間亂離踵至困阨極矣維時督憲姚公特
膺簡命總攝八閩內掌機略外籌軍務域中妖氛不崇朝而次
第剗平公以為寇逆雖除而界外之播遷失業業者猶未歸也屢疏
上陳始得所請由是海濱之民咸復故業安集勞來境內安堵
鋤豪猾杜健訟興利剔弊凡所以擾害吾殘黎者無不盡力搜滌
浪莠既去良苗斯生新復之眾于是不離湯火而就衽席然猶以
戡定之餘修文是亟而遂生之後勸學為先聞人士之困於亂也
久矣凡茲多士得毋有抱遺編而懸釜興悲者乎得毋有歌哀鴻
而餘燼未息者乎爰於閩省五十餘屬各計其學之大小捐置膳
用以為貧寒力學之資而長樂亦得以大學首邀曠典夫始也掃
蕩禍亂為閩人甯幹止繼也培養士類復為閩人開文學既父母
之又師保焉閩之人何其厚幸也昔范文正窮居時即以天下為
己任及其得志能一一行其所學公之文章久已模範當世學士
家奉為山斗今一旦都榮顯履崇階勳名赫奕震爍今古而垂念
寒微不忘貧士之苦如此其亦不負所學者歟方今朝廷振興
斯文加意作人一時風行草偃文治之隆遠駕漢魏唐宋而閩士

被公之化尤為獨深異日佐天子潤色鴻猷黼黻盛治有志之士飲泮水而思源公之德且與先師遺澤永壽萬禩矣夫宣上德意以作士氣廣教化有司之職也因勒諸石以示久遠而附之以記

聖誕祭田 嚴湖涓下則田二十畝每畝徵銀一錢五分共租銀三

兩 又洋下田載租九百三十六觔 嶺口田載租三百觔知縣鄭

北山田載租三百五十九觔明知縣夏元岱田載租九十

置 觔知縣殷鳳梧撥入

歲共入租一千六百八十五觔

熊公祭田互見廟祀明萬厯間按司李思誠捐置三畝記見通判沈如霖

捐置八畝五分零共四十一畝五分五釐一毫四絲八忽主簿李憲立碑

一北山田載租三百八十五觔 一洋下田載租一百三十觔

長樂縣志 卷之七 學校 學租 五

一安前田載租一百三十五觔 一塔裡田載租六百觔 五

賢祠地租銀二兩二錢零 夏公祠地租銀三錢 懷德祠地租

銀三錢

歲共入租一千二百五十觔租銀六兩六錢有奇 其下櫓橋九

閒半屋地因折充學署門路租銀無存

三賢祠祭田 一方安里二劉洋九畝八分載租二千五百觔 一

楓林洋四畝六分載租九百觔

歲共入租三千四百觔縣徵官祭

書院社學附

吳航書院 在縣治南山之陽舊係天后宮乾隆二十六年知縣賀

世駿移建天后宮於西關外將舊址重修中祀朱子及弟子八人
黃幹陳枌劉砥劉礪鄭性之姜大中張洽鄭申之有記載旁構書舍二十餘間藝文左建育才

堂一座邑人董紹安嘉慶十二年知縣楊清輪修葺堂前復建屋

三間有記吳航書院自安成賀公興建學舍籌設膏火規模粗

之擴而大之無不踴躍樂輸以繼賀公之志而成其美茲修葺

工竣更餘捐貲因諭置業構屋賃租收息以補膏伙之不足預囑

闔邑捐題事歸諸紳經理設立章程邑人士即其地立主祀之並

不假胥吏之手庶可歷久無弊云

祀賀公世駿咸豐十年紳士鄭元模等勸捐重修並記乾隆初安

后宮於河陽即故宮為書院雖始興實仍舊貫也嘉慶間陽湖

楊公勸增膏火添修學舍而講堂如故計自永樂始建及今五百

年矣模忝主講席前後八載梁棟朽蠹覆壓是懼欲謀改建而苦

無資庚申秋與諸君子商遂告邑侯祥符申公公捐百金倡乃

由縣及鄉凡隸邑籍者皆懇懇捐助約三千餘金合羣策羣力鼎

新之廨舍則墜茨之垣墉則黜聖之土木之工越二年竣是役也

長樂縣志

卷之七

學校

至

書院

因而創難而易信吾邑之樂觀厥成中座匾曰講堂堂左右各有

也爰列捐題之數於石以垂承遠云

樓為學舍樓之後面南山墪聳其右顏曰題鴈取鴈塔題名意也

祠中增祀王公雋龐公立忠崔公蓬瀛皆有功書院及捐充膏火

書院膏伙店租

一嶺口梅峯寺上面街三欄租錢陸千文 又下面街二欄租錢叁

千文

一榜眼坊一欄租錢貳千肆百文原主准贖

一縣前下面街一欄租錢柒千貳百文

一上巷口上面街一欄租錢叁千陸百文

一南關外文洽浦二欄租錢肆千文

一河陽真武廟左畔下面街新店一欄租錢壹拾陸千文 又一欄

租錢壹拾肆千文 又一欄租錢壹拾肆千文 又一欄租錢壹

拾肆千文 又一欄租錢壹拾肆千文

一河陽登雲道樓一欄租錢肆千文 又上面街一欄租錢壹拾伍

千文 又下面街一欄租錢肆拾千文

一社學下面街一欄租錢叁拾千文 又一欄租錢叁拾陸千文

又一欄租錢貳拾貳千文 又一欄租錢叁拾貳千文

一社學頭門左一欄租錢壹拾貳千文 又頭門右一欄租錢壹拾

貳千文

長樂縣志

卷之七

學校

至

書院

一竹橋下面街一欄租錢貳拾壹千文 又一欄租錢貳拾肆千文

一閘兜村上面街二欄租錢叁千貳百文

一橫街上面街一欄租錢叁千文

一馬祖道下面街三欄租錢柒千柒百文 又下面街衙地一欄租

錢壹千伍百文

即完盪船稅

又下面街一欄租錢貳千肆百文 又

一欄租錢貳千捌百文

一西關外下面街一欄租錢肆千文

一油杭尾上下碇埕二所租錢叁千貳百文

一西隅等處地租錢肆千文

一買典東關外下面街第十欄一欄租錢壹拾千零捌百文

一買典東關外上面街第三十二欄店後空地一所租錢叁千文

一東關南關外地租錢共叁千陸百貳拾陸文

一馬渡頭下面街店地二欄除串耗外租錢實柒百文 又店地五

欄租錢實壹千柒百伍拾文 又店地一欄租錢實叁百伍拾文

以上統共店租錢叁百玖拾捌千貳百貳拾陸文

一河下利涉橋店地六欄 查舊志地租共一千六百文現尚未找着應俟再查

書院膏伙田業

一二都龍門洋停車浦上則田三畝八分零 載租八百觔

一蘭楔下田一畝零又一號田六分又塔田六分五釐 載租肆百

柒拾伍觔 又下塔泥壅尚未成田

長樂縣志

卷之七

學校

書院

書院

一蘭楔下田柒分柒釐 載租貳百伍拾觔

一鼻頭頂田二畝六分四釐 塔與番船相連 載租伍百柒拾觔

一番船田七分 塔與鼻頭相連 又一號田六分 載租貳百柒拾伍觔

一下三角田二畝四分 又一號田一畝五分 又塔田一畝零

載租玖百陸拾觔 又臨江泥壅尚未成田

一上三角田三畝三分二釐 載租壹千叁百觔

一下三角西大磱下新壅塔田四分零 江至 載租貳拾觔

一過歧仔田二畝九分 塔泥壅臨江 載租肆百伍拾觔

一宮前田二畝六分四釐 泥壅臨江 又壹號田二畝三分六釐 泥壅臨江

載租壹千壹百陸拾觔

一長洋前田一畝五分二釐 又一號田三分 載租伍百伍拾觔

一道頭邊下柄田二分 載租伍拾觔

一上柄田五分三釐 載租柒拾伍觔

一店邊田二分一釐 載租陸拾觔

一墓仔田一分零 載租叁拾觔

一隴尾田六分五釐 載租壹百捌拾觔

一晚秧地田一分一釐 載租捌拾觔

一坑隴大小八號田三畝零 載租陸百伍拾觔

一坊兜田七分五釐 載租貳百觔

一林隴坑田六分零 載租貳百觔

長樂縣志

卷之七

學校

蓄

書院

一長尾二號田三畝 載租捌百觔

一港口鼻頭二號田三畝二分 載租伍百觔 又下塔泥壅尚未

成田

一店前頭道田一畝四釐 載租叁百伍拾觔

一厚德洋浮塘田一畝五分 又一號相連一畝二分 載租壹千

壹百捌拾觔

一后山洋直隴田二畝九釐五毫 載租叁百叁拾觔

一閩邑龜山洋上坂即竹攬田七分零 載租肆百貳拾觔

一南門外城邊風輪田一畝八分四釐 載租玖百觔

一古槐村桑林黃景棟除自行清完寺租外實納乾淨租穀貳百觔

一梓山村租穀陸千觔每百觔折價伍百文每歲 官為徵收飭領
除糧倉雜耗外實領錢貳拾壹千貳百文隨時酌增

以上共租穀壹萬叁千壹拾伍觔另折錢陸千觔統共壹萬玖
千壹拾伍觔

一岱西紗帽坑山一崙 前縣龍 斷充書院尚未招租

署內徵收吳航書院膏伙公業照現租數目開列

一馬渡頭上面街店二棚租錢肆千捌百文 又店一棚租錢壹千

肆百文 又店一棚租錢壹千肆百文 又店二棚租錢貳千捌

百文 又店三棚租錢肆千貳百文 又店一棚租錢壹千肆百

文 又店一棚租錢壹千肆百文 又店二棚租錢貳千捌百文

長樂縣志 卷之七 學校 書院

又店三棚租錢肆千貳百文

一馬渡頭下面街店一棚租錢貳千肆百文 又店一棚租錢貳千

肆百文 又店一棚租錢貳千肆百文 又店一棚租錢貳千肆

百文 又店一棚租錢貳千肆百文 又店二棚租錢肆千捌百

文 又店一棚租錢貳千肆百文 又店三棚租錢柒千貳百文

又店一棚租錢貳千肆百文

一東關外店租錢肆千零壹拾貳文

以上共店租錢伍拾柒千貳百壹拾貳文

各鄉都地租照現租數目

一西隅里仁園租錢五百文

一三都岱邊園租錢壹千陸百文

一七都洋下海壅地租錢壹拾叁千叁百陸拾文

一十五都仙岐沙園租錢壹拾陸千捌百文

一十七都沙園地租錢貳拾貳千捌百肆拾文

一二十都松下店租錢壹千叁百玖拾文

一二十都澳租銀壹兩折錢捌百文

一渡稅地租共銀伍兩陸錢伍分折錢肆千伍百貳拾文

共陸拾壹千捌百壹拾文

以上共租錢壹百壹拾玖千零貳拾貳文 原係署內徵收支發風

神春秋祭祀朱子祭祀春秋八及各廟燈油文武聖廟五千一百文文昌宮風神廟七

長樂縣志

卷之七

學校志

書院

千二并社學脩脯河陽社學延師束脯銀一十六兩每禮生工食

六千四等類共四十七千五百文下剩七十一千五百二十二文

留存內署以為書院月課獎賞生童費用 同治八年七月初八

日奉 署縣彭 諭將前項給發祭祀各款核定應存應裁其存

者由縣捐給所有額徵租稅等項仍由縣飭徵隨徵隨發盡交書

院收領添給膏伙以示鼓勵等因遵即抄諭入志以垂久遠並現

定章程嗣後書院出入款目按月造報縣署一次年終總報一次

社學 在縣治西高隍巷隆慶四年知縣蔣以忠建地深三丈濶七

丈中建書館三開門一座嗣廢

河陽社學 在平政門外嘉靖二十八年知縣吳遵立匾嗣被附近

居民佔爲土穀神祠廟中止虛設朱子牌位一座乾隆二十七年知縣賀世駿通詳奉批歸還社學中間專祀朱子其土穀神聽居民另廟移祀所有學前官地佔蓋店屋五間每年按收租息納官除供朱子祀典經費外充入吳航書院膏火

龍南社學 在十都今廢基存

石梁社學 在十五都

阜林鄉學 在二十都宋里人教授林楷創明洪武十三年林文溢

重建明郡人吳海記長樂邑南五十里海濱曰祖溪舊有鄉學宋英德府教授林楷子之所創也隘陞弗稱廢且百年其族孫文溢謀於鄉族乃改卜地於溪之陽曰阜林建禮殿講堂左爲列室以肄諸生右爲祠堂以崇先賢門庭邃幽廊廡周嚴庖湍完具道無所出里人李麟築田爲之地有闕里人林節生奉園足之庀工於洪武十二年冬而竣事於十三年春餘資爲田一畝前有湖

長樂縣志

卷之七

學校

七

社學

其芟魚之利入於學既成來徵記於郡人吳海海惟古先聖王化民之政莫重於學而學莫先於鄉自鄉以及閭巷莫不有師師教民孝弟忠信勤力務本民朝夕出入息必稽善而獎之過而禁之故學校爲育才之區而鄉閭實首善之地三代盛時其制若此治效安得不隆哉後世視爲具文而俗不逮古國朝申嚴其法信謂知所務矣若文溢是舉不惟復三代之德而又廣前人之功於以教子弟而淑鄉人予見其有成也抑予將有告乎爲師者夫自孟子沒而聖人之道不明異端權謀術數之言橫流天下洋溢充塞千數百年不能止逮宋周程朱夫子出而繼往聖開來學三才若肇建焉今其遺書家傳人誦然而士大夫心術之微閭閻風俗之舊猶未釋夫權謀術數之習者其故何哉聖賢之道著於書學者不能身體力行徒以空言目之口耳相傳雖多無益願學莫先於立志志既定然後卽物以窮理存心以致知力行以求至惟日孜孜無少間斷則入道有方進德有序聖賢可馴致苟有一毫爲利近名之心則非爲己之學矣此愚所甚懼焉者願因諸君子崇謀之他日道成使濱海若洙泗諸君子之力也不肖願承下風崇

禎十三年圯知縣夏允彝重修溢孫林大任林日著董其事

洽浦書室 在 崇聖殿迤東同治八年改爲洽浦報功祠申祀明

知縣夏允彝 國朝姚琅衛良佐戴永樸賀世駿訓導謝大錫均
有功於洽浦者

南山書院 在縣治南山塔旁明宏治開知縣潘府改南山廢寺為
書院暇日輒至其所與諸生講學又立主敬集義二齋於院之左

右撰盛世歌刻於碑嗣廢里人改建三聖廟 有南山書院序
並歌見藝文

鳳岐書院 在十五都明知縣潘府將顯應宮後座改創

藍田書院 在十六都宋紹興中里人陳坦然建元至正中陳有霖
構鄉約堂於其旁借名儒歐陽恍往來論道寓憩明初重修 陳坦然記

別見

達泉書院 在二十一都舊名尚書庵宋紹興閒鄭丙讀書於此後

長樂縣志

卷之七

學校

五

社學

官尚書故名尚書庵庵西石壁有竅泉從石罅流出清冽徹底大
旱不涸宋陳坦然鑄達泉井三大字仍列名士姓名

吳航學舍 在省東關外厚與鄉乾隆十三年同籍各姓鳩資公建
為同邑讀書往來游息之所顏曰吳航學舍